

Zeitschrift: Die Berner Woche
Band: 35 (1945)
Heft: 52

Artikel: Vo mene Bärner Fүүwehrma u vo mene Bүүssi
Autor: Lerch, C.
DOI: <https://doi.org/10.5169/seals-650206>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 29.03.2025

ETH-Bibliothek Zürich, E-Periodica, <https://www.e-periodica.ch>

Vo mene Bärner Fiiirwehrma u vo mene Büüssi

Verzellt vo mene Amerika-Schwyzzer uf Amerika-Bärndütsch

Passiert isch die Gschicht z'Woschingten Düüssi (Washington D. C., Distrikt Columbia), also i der Houptstadt vo de Schteets (wird buechstabiirt USA).

Jä, wie chunt de e Bärner Fiiirwehrma derthäre? Bhüetis, *newämääind* (häb nid Chummer), die Sach isch *oolräit*. Es isch drum e Bärner gsi nid vo Bärn, *Switzerland* — aber vo *Böörn* (Berne), *Indiänä*. Das *Böörn*, *Indiänä*, isch e *näässi Taun* (es näts Stedtle), wo me no hüt i jedem *Schtoor* (Lade) ghört bärndütsch rede — oder, wie sie dert säge: *Swiss*. Hoffetlig liest das jetze ke Baslerbeppi u ke Zürihegel, süsch wärde sie *ooffeli* (schuderhaft) schaluus. Jä jetze. Weder i sött däich schön em *Törn* na (der Rehje na) verzelle. *Well!*

Ds *Kläriss* (Clarice), es noggeligs, schwarz u wyss tschäggets *Büüssi*, isch i der Gägät vom Wardman Park Hotel z'Woschingten Düüssi deheime. Bis dahi hei neuen all Lüt das *Büüsseli* gärn gha, hingäge jetze isch nume no ei *Meinig*: wie wyter furt, wie lieber. Ds *Kläriss* het drum o derna ta. So lang das es gäng numen uf em Boden ume gfägiert isch, isch alls *okee* gsi. Aber äi Tag chunt's das *Chatzli* a, es wöll e *chly* bas obsi, u, hüpp! i nen *Alleeboom* ueche, öppe da bi achzgj Schue höch.

Wo ds *Kläriss* ume het abe wölle, het es der *Törn* (der Rank) nümme gfunge. *Schöni Gschicht!* Faht me halt afah miaue. E so ne rächte *Duur-Miauet*, wie nes si öppe ghört im Land vo dene *Duur-Rekorde*. Mi hätt chönne meine, ds *Kläriss* wöll *Tschämpian* (Wältmeister) wärde im *Miaue*. *Ootaraund* (zäntume) heig neue niemer chönne schlafte, u viel heigi gäge Morgen afe *Köörs gmötteret* (verdrückt gluechet). I der zweite Nacht isch das *Gmiau* dilengerschi lüter worde. *Jetze* hei du d'Lüt i de Bett ihri *Köörs* nid nume me bloss *gmötteret*, sie hei se lut use *tosset*, un e *Matros* uf *Lyf* (Urlob), wo derzue glüffe syg, syg rote worde u heig gseit, *däwä* heig er jetze doch no nie ghöre *köörse*. U das wott doch öppis heisse, bi mene *Matros!*

Am Morge druf sygi mit Schyn alli *Phoons* (Telfon) ggange, für d'Fiiirwehr u d'*Plyss* (Polize) z'Hülf z'rueffe. Eine het tüür u fest bheret, är kenn e *Frou*, die heig sogar em *Näschnel Difenz Gaunzel* (der Landesverteidigungskommission) gphoonet. Aber daisch däich nume *Fandascht*.



D'Fiiirwehr uf de roten *Aarmobills* (Outo) isch zwuri cho derhar z'schnusse u het ihri *Läders* (Leitere) *ufmouteret* (g'motoret), aber jedesmal we me gmeint het, jetz heig me die diesen un äini *Chatz*, isch sie nen ume es paar *Chatzegümp* wyter ueche, wo me se nümme het

mögen errecke. U het de derzue chönne nötig tue u miäuele, öppis *Grüüsligs*. «Sie isch haut e *Flöört*» (es Meitschi wo flirtet), seit du afen eine.

D'Nacht druuf isch ds *Kläriss* mit der *Rekordmjuusig* zuegfahre, un i de *Hüser* sy d'Lüt all *Wäng* uf, u *nierli* (schier) zur *Hut* use. Am Morge chunt du d'*Plyss* us em achte *Bezirk*, das sy süsch *wytus* die *gwagletste*; aber kene vo ne hätt das *Säutierli* chönne *kätsche* (fah). *Druf* abe chunt no einisch d'Fiiirwehr. Der *Fiiirwehrma* *Tschaarls Dobeljuh* *Biondi* isch d'*Läder* uf u het *glökklet*, u *büüsselet* u *klärisslet* uf tuusig un ume *bäck* (zrugg). Es het ihm nüt abtreit. Dä het angers *kräsi* (toub) *drygluegt* won er ume ache cho isch. Du chunt du a mene angere *Fiiirwehrlere* en *Äidi* (Idee): mi heig ja no ne *lengeri Läder* im *Fiiirweherschopf*. Die het me du *quickli* (tifig) *häregmouteret*, un öpper het gseit: «*Jetz* hingäge mues da ne *Bärner ueche*.» U der *Giliom Aufried*, e *Bärner* vo *Böörn*, *Indiänä*, het ihm das nid *twäiss* (zwuri) la säge. Wie ne *Squirrel* (Eihorn) isch er die *Läder* ueche *ghlimbet* — u ds *Klärissli* gäng schön en *Armslengi* voruus... bis z'oberischt i *Tuller ueche*. Dert het es du müesse warte, u der *Giliom Aufried* het glachet «*Gäll*, du hesch müesse kat(z)pituliere!» U lueg me jetz nume das *Chatzewybervölchli!* Wo sie het gmerkt, sie mues si *äni-hau* (nüüschti) ergäh, het sie e *Gump gno* uf *Aufrieds Achsle*, u het ihm der *Stiel* um ds *Gsicht* ume *gstriche*, bis er bauget het: «*La gseh*, *schtop*, *Klärissle*, es wird mer süsch *trümlig!*» — «*Daisch* haut e rächte *Flöört*, die *Chatz!*» het denide öpper grüeft. Der *Aufried* isch tifig d'*Läder* ab *ghlimbet* — u *chuum* het er d'*Füess* uf em *Bode* gha, isch ds *Kläriss* dervo *techlet*, was *gisch* was *hesch*, mi het *dschöst* (bloss) no so ne schwarz u wyss *Zymme* gseh.

Die Gschicht isch du i allne *Woschingter Zytige* cho, u vo dert ömu du o i *Böörner Witniss* (so heisst dert ds *Tagblatt*). U ganz *Böörn*, *Indiänä*, isch *unerchannt* stouz gsi uf e *Giliom Aufried*, wo heig chönne e *Kat(z)astrophe* hingerha u mache, dass d'Lüt ume hei chönne *ruejig* schlaaffe.

Won i du die *Zytig* ha *ubercho* — sie het da bi acht *Wuche* bruucht für *uber* die *grossi Glungge* — hani mer gseit: «*Well*, das wär jetz umen einisch öppis angers *weder* das *dämmd* (verflüemelete) *Gstürm* vo — i säge jetz nid vo was. Das wär jetz umen einisch öppis, wo mir *Bärner* cheu wohl läbe dranne. *Bärn* isch *Bärn*, sygs jetz *Indiänä* oder *Switzerland*.» Un *uberhaupt*: dä *Giliom* isch ja ne *Bärner!* Mit em rächte *Name* wär er e *Gilomen* us em *See-land*. — Jä *gäll!* C. Lerch



DAS GESCHENK DER HL. 3 KÖNIGE



DER WEIHNACHTSMANN



Schade, ich wollte die Flügel, die ich an der Friedensweihnacht getragen habe, behalten!